



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

In alieno cœlo melior.

urn:nbn:de:hbz:466:1-14259

rum omnium species prorogentur, aeterna q; fiant, quatenus rerum opifex hanc mundi molem ducere permiserit. Ad hanc igitur fecunditatem numismata nos invitant, in quibus ipsa prolis susceptio monumentis celebrata est. Nam in Juliae Pia Aug. numo Dea ipsa cum pomo sese ostentat, cuius inscriptio est, VENUS FELIX. In alio ab una facie, FAUSTINA AUG. ANTONINI AUG. FIL. Ab altera signum mollioris stat lava conto innixum, dextera pomum exporrigens, cum inscriptione, VENUS S. C. Quoniam vero plurimae sunt huiusmodi species, quotidieque hominum manibus attrahantur, his modum imponemus.

Julia Pia numm.

DE PERSICO. PERSICA MILITIA. CAP. XV.

Ilud addam, molles Persarum reges selectorum suorum mille numero thoraces malis insignire consuevit: qua de causa Mellophori appellabantur. Sed quoniam hoc forte Persicum erat malum, patriae que nomen secum afferebat, invitat nos nominis recordatio, ut de Persico pomo dictionem nostram prosequamur, rei quidem ferie id ipsum deponente.

ACUTUS. CAP. XVI.

Sunt qui pomi huius acore considerato, qui gustus appetentiam mirifice, quantum libet etiam immaturis, expergefaciat, acutum hominem ex Persici vocabulo significari putent, cum praesertim a Plautum legerint, Qui Persicus sapiens. Caterum hoc non a pomo, sed a gente deducitur, quam talis praeditam ingenio auctores tradunt. Quibus enim purius est caelum, eo acutiore sunt ingenio: Et ut inquit Cicero, perspicaciores sunt qui ad Orientem, quam qui ad Septentrionem habitant: quod nulla de causa provenit, nisi quod actus mentis ex calore nascitur, & vigorem inde suscipit. Quare multa maiora & veriora contemplantur a state, quam hyeme, quoniam brumali tempore ex crassitudine aeris hebetiores sumus, & frigore pigriores: vis enim ipsa mentis ab igni, id est, a caelo est: tametsi quod verissimum est. Juvenalis ait,

Summos posse viros & magna exempla duros, Vervecum in patria, crassaque sub aere nasci.

Hinc illud Plauti, acutum in patria, in Baechi dit. Et Horat. in Art. Poet. Ille persus acuto. Ingens acutiora ubi. Satyra 10.

IN ALIENO COELO MELIOR. CAP. XVII.

Alii hominem qui domi vel seditionis, vel tetro aliquo flagitio insignis fuerit, in alieno tamen caelo, aut patria profecerit, in viamque rediit, omni animi deposita pravitate, per Persicum ostentant, propterea quod ajunt, pomum id in Perside, unde translatum est, veneni vice fungit, eaque de causa transmissum, ut nobis venenum esset; in Italia tamen mutato solo naturam etiam mutaverit, & salubre reperitum sit: quam quidem opinionem admittit Columella, dum scribit:

Pomis quae barbara Persis Miserat, ut fama est, patriis armata venenis, At nunc expositi parvo discrimine lethi, Ambrosiosi praebent succos oblita nocendi.

Nemo enim propheta in patria, Sic Scythia Anacharsin Cappadocia Basilium Nazianzenum Graecia.

Hinc pomum ejus innocuum agris expectat, ait Plinius, neque alium eo pomo innocentiorem esse cibum. Dioscorides stomacho Persica tradit accommodata, quae si matura comedantur, alium leniant: si acerba, sistant, quorum alterutro pro tempore & loco opus est. Et nos Romae aliquando lethali correpti morbo, quo stomachus nihil cibi prorsus admittebat, & immissum evomebat e vestigio, post diurnam inediam non alio cibo adjuti per tres continuas hebdomadas, quam singulis pomis huiusmodi in singulos dies ex vino acceptis, haec una opella praeter amicorum omnium, atque adeo Medicorum etiam spem, reviviscere potius quam convalescere vili sumus. Sed enim quod de fructus huius transmigratione a Persis fertur, vel ut plures tradunt, ab Aethiopia in Aegyptum malo animo transmissi naturam soli benignitate eommutasse, aliter sentire Callimachus videtur, qui Persicum in Aegypto primum satam inquit a Persaeo verbis his: *καὶ τοῦτο ἀπὸ τῶν Περσῶν ἐστὶν ἡ ἀσπίς, ἣς ἀπὸ δούρου ἀσπίς ἐστὶν*. Nicanor vero Mycenis primum satam concedit his verbis,

Plus. l. 15. c. 12. Pomi Persici virtus. At Persicum omne genus damnavit Galenus l. 1. de alimentis facultatibus.

Hyperido

